

《佛說無量壽經》 補充講表

◎附表七：

○以甚深禪慧，開導眾生。

禪：止也，慧：觀也。甚深禪慧乃大乘止觀之意。換言之，禪慧即止觀相，即六度之定慧

二門。《無量壽經義疏》卷二云：「以深禪慧，開導眾人，證法益物。以深禪慧，化行同

佛。禪止慧觀，證行雖眾，要不出此。」

《大乘起信論》云：「若行若住，若臥若起，皆應止觀俱行。所謂雖念諸法自性不生（止），

而復即念因緣和合，善惡之業，苦樂等報，不失不壞（觀）。雖念因

緣善惡業報（觀），而亦即念性不可得（止）。」

○空、無相、無願（無作）三昧。

《華嚴疏鈔》卷五十云：「三解脫門，亦名三三昧。此三能通涅槃解脫，故名為門。」

《大智度論》卷二十云：「是三解脫門，摩訶衍中是一法，以行因緣故，說有三種。觀諸法空，是名空；於空中不可取相，是時空轉名無相；無相中不應有所作為三界生，是時無相，轉名無作。譬如城有三門，一人身不得一時從三門入，若入則從一門。諸法實相是涅槃城，城有三門，空、無相、無作。若人入空門，不得是空，亦不取相，是人直入，事辦故，不須二門。若入是空門，取相得是空，於是人不得為門，通塗更塞。若除空相，是時從無相門入。若於無相相心著，生戲論，是時除取無相相，入無作門。」

○亦無所作，亦無所有。不起不滅，得平等法。

《中觀論》觀四諦品云：「未曾有一法，不從因緣生，是故一切法，無不是空者。」

*亦無所作：乃作即無作，即所謂「稱性起修，全修即性」。

《金剛經》云：「須菩提！說法者，無法可說，是名說法。」

《金剛經講義》云：「法是緣生，說亦緣生，說法者亦是緣生。既曰緣生，非無法也，非

無說也，非無說法者也。然而緣生無性，當體是空。故雖儼然有說法者，正當熾然而說，顯然有法之時，即復了不可得。此之謂無所說，言其說即無說也。若以為有所說，是不知其為緣生，而執以為實矣。解得緣生之義，便知法本無法，故說即無說。」

***亦無所有：即不住所證。**

《金剛經》云：「須菩提！我於阿耨多羅三藐三菩提，乃至無有少法可得，是名阿耨多羅三藐三菩提。」

***不起不滅：以下糅合蕩益大師《占察善惡業報經義疏》**

不論昏迷倒惑蠢動含靈，現前一念心體，無不從本以來，不生不滅，乃至離分別故；非待成佛之後，方證不生不滅，乃至離分別也。從本不生不滅者，譬如翳目見空中華，華即是空，故有翳時，華本不生；縱翳盡時，華本不滅，以無實華可滅故也。眾生于無生滅中，妄見生滅。生實不生，滅實不滅也。：知惟心生，則色本無生，知唯心滅，則色本無滅。

《法華經》·方便品云：「諸法從本來，常自寂滅相。」

《占察善惡業報經》卷下云：「一切法畢竟無體，本來常空，實不生滅故。如是一切法實

不生滅者，則無一切境界差別之相，寂靜一味，名為真如，第一義諦，自性清淨心。」

＊得平等法：《金剛經講義》云：「所謂法，所謂得，皆因緣所生，緣生體空。」

《金剛經》云：「須菩提！是法平等，無有高下，是名阿耨多羅三藐三菩提。」

《金剛經講義》云：「是法者，謂任是何法也，猶言一切法耳。無有高下正顯其平等。當知一切法有高有下者，由於眾生分別執著之妄見，：佛之成佛，正因其證平等法性耳。」

《占察善惡業報經》卷下云：「當知如是眾生、菩薩、佛等，但依世間假名言說故，而有

差別；而法身之體，畢竟平等，無有異相。」

《占察善惡業報經義疏》卷下云：「法身喻如濕性，眾生如冰，佛如純水，二乘菩薩，如

冰漸泮而未盡也。冰之濕性無減，水之濕性無增，故云畢竟平等。」